

ՍՓՅՈՒՌԱՀԱՅ ԿՅԱՆՔ ЖИЗНЬ ЗАРУБЕЖНЫХ АРМЯН

ՄՇԱԿՈՒԹԱՅԻՆ ԵՎ ՀԱՍԱՐԱԿԱԿԱՆ ԿՅԱՆՔԸ ՍՓՅՈՒՌՔՈՒՄ

(1972 հունվար—հունիս)

ՔՈՒԼՂԱՐԻԱ

Սոֆիայի համալսարանում գործող հայոց լեզվի լեկտորիումում լսվել են մի շարք դասախոսություններ:

Փետրվարի 17-ին ուսանողների համար Սովետական Հայաստանի պարբերական մամուլի և հայկական ուղիորդի ու հեռուստատեսության ստեղծման և գործունեության մասին դասախոսել է Հ. Օրմանճյանը: Հաջորդ դասախոսության թեման է «Յավորովը և հայերը»: Ամեն հինգշաբթի նախատեսված է կազմակերպել նման դասախոսություն:

«Նրևան», 25 փետրվարի

ՌՈՒՄԻՆԻԱ

Ռումինիայի հայ գաղութում փետրվարի 17-ին մեծ շուքով նշվեց Վարդանանց դյուցազնամարտի հիշատակը:

«Ջահակիր», 16 մարտի

* * *

«Նոր կյանքում» Հ. Ծ. Սիրունին ծավալուն հոդված է տպագրել Մարտիրոս Սարյանի մահվան առթիվ: Հոդվածում ներկայացված է վարպետը որպես նկարիչ և որպես մարդ: Զետեղված են Մարտիրոս Սարյանի դիմանկարը և «Մադիկներ» կտավի արտանկարը:

«Նոր կյանք», 19 մայիսի

ԼԻԲԱՆԱՆ

Ինյուրում լույս է տեսել Դանիել Վարուժանի ստեղծագործությունների ֆրանսերեն նոր հրատարակությունը: Հատընտիրում տեղ են գրտել բանաստեղծի շուրջ երեք տասնյակ բանաստեղծությունները, որ թարգմանել է բանաստեղծ Լյուք Անդրե Մարսելը: Վերջինս դրել է նաև ներածական՝ նվիրված հայ պոեզիային և Դանիել Վարուժանի ստեղծագործությանը:

Ժողովածուում ղետեղված են եվրոպական նշանավոր գրականագետների, բանաստեղծների և հասարակական գործիչների ասույթները Վարուժանի մասին: Մեջբերված են Կանտի համալ-

սարանի (որտեղ 1906—1909 թթ. ուսանել է Վարուժանը) ռեկտոր, պրոֆեսոր Լամբերեխտի, ականավոր հայագետ Ֆրեդերիկ Ֆեյդի, Վարուժանի համալսարանական դասընկեր Պիեռ Մանսի և այլոց ասույթները:

«Հայրենիքի ձայն», 19 հունվարի 1972

* * *

Ինյուրում հունվար-փետրվար ամիսներին ներկայացվել է Հակոբ Պարոնյանի «Մեծապատիվ մուրացկանները» արարերենով լիբանանյան դերասանների կողմից:

«Ջահակիր», 17 փետրվարի

* * *

Ինյուրի հայ ավետարանական կոլեջի կողմից կազմակերպվել է «Սփյուռքը այսօր» ցուցահանդեսը, որտեղ ցուցադրվել են ամբողջ աշխարհում ապրող հայ գաղութների վերաբերյալ նյութեր, լուսանկարներ, ներկայումս հրատարակվող հայկական թերթերի նմուշներ:

Ցուցահանդեսի առիթով հրատարակված արժույթի ցուցահանդեսի զխավոր նախաձեռնողներից Զավեն Մսերլյանը նշում է, որ կազմակերպիչները հավանականություն չունեն հայկական գաղթավայրերի լիակատար պատկերը տալ, այլ ջանացել են ծանոթացնել յուրաքանչյուր գաղութի «ազգային ձևակերտները և հայապահպանման սատարող ազդակները»:

Ըստ «Սփյուռքը այսօր» ցուցահանդեսի տրվյալների, սփյուռքահայության թիվը ներկայումս կազմում է 1.410.375, որ ցրված է ավելի քան 50 երկրներում: Առավել հոծ հայություն կա Ամերիկայի Միացյալ Նահանգներում՝ 400.000, Լիբանանում՝ 180.000, Սիրիայում՝ 135.000, Ֆրանսիայում՝ 175.000, Իրանում՝ 190.000, Թուրքիայում՝ 125.000:

Սփյուռքում լույս տեսնող պարբերականների ցուցակը պատրաստել է մատենագետ Արտաշես Տեր-Խաչատրյանը: Ըստ այդ ցուցակի տվյալների, ներկայումս սփյուռքի քսան գաղթօջախներում լույս են տեսնում 14 օրաթերթ, 2 եռօրյա թերթ, 25 շաբաթաթերթ, 9 երկշաբաթա-

թերթ, 64 ամսաթերթ, 60 պատկերաթերթ, 13 տարեգիրք, ընդհանուր թվով 187 անուն:

«Սփյուռքը այսօր» ցուցահանդեսը մեծ հաջողություն է ունեցել:

«Հայրենիքի ձայն», 31 մայիսի

Ս Ի Ր Ի Ա

Արար գրող էտիպ էլ-Սեյիդը գրել է «Հայաստանը արար պատմության մեջ» պատմական ծավալուն նկարագարող աշխատությունը:

«Զարթոնք», 23 հունիսի

Ն Թ Ո Վ Պ Ի Ա

«Պայքարի» Քենիայի թղթակից Հովսեփ Թնդրյանը Ագիս-Արեբայից հայտնել է, որ այնտեղ գործում են հայկական եկեղեցի և դպրոց: «Արարատ» ակումբը կազմակերպել է դասախոսություն, ուր Հ. Թնդրյանը խոսել է հայկական մշակույթի մասին: «Արարատ» ակումբի հիմնադիրներից և դասախոսներից է Հայկաշեն Ուզունյանը, որը հաճախակի դասախոսություններ է կարդում հայրենիքի վերածննդի և զանազան գաղութների ազգային-հասարակական կյանքի մասին:

«Պայքար», 8 ապրիլի

Թ Ո Ւ Ր Ք Ի Ա

Մահացել է ստամբուլահայ անվանի բանաստեղծ Դուրգեն Թրենցը:

«Զահակիր», 23 մարտի

Ֆ Ր Ա Ն Ս Ի Ա

Վերջերս առանձին ժողովածուով հրատարակվել են Ե. Զարենցի ֆրանսերեն մի շարք բանաստեղծություններ: Բարգմանությունը կատարել է ֆրանսիացի նշանավոր բանաստեղծ Լյուք-Անդրե Մարսելը, որը նախկիններում թարգմանել է Գրիգոր Նարեկացի, Դանիել Վարուժան և մի շարք այլ բանաստեղծների:

Հատորում զետեղված են Ե. Զարենցի 18 գործերը, հատվածներ «Ամբոխները խելագարված» և «Դանթեական առասպել» պոեմներից, «Սոմա», «Դեպի ապագան» պոեմները, «Ամենապոեմը», մի շարք քառյակներ, ուրախաբաներ և այլն:

Լյուք-Անդրե Մարսելը գրել է ընդարձակ առաջաբան, որտեղ վերլուծել և ըստ արժանվույն գնահատել է Եղիշե Զարենցի ստեղծագործությունները:

Ժողովածուի պատրաստման գործում Լյուք-Անդրե Մարսելին աջակցել է գրող Կարապետ Փոլատյանը:

«Հայրենիքի ձայն», 15 մարտի

Ա Ն Գ Լ Ի Ա

Անգլիահայ գաղութը մոտ 5000 հայերից է բաղկացած, որոնք կենտրոնացած են գլխավորապես Լոնդոնում: Գաղութն ունի երկու եկեղեցի, եկեղեցուն կից նորակերտ սրահ և հայկական կենտրոն՝ Հայ Տունը: Գործում են մի քանի կազմակերպություններ, որոնցից ամենից գործունե Հայ երիտասարդաց միությունն է իր 200 անդամներով:

1971 թ. հուլիսից սկսել է հրատարակվել «Սարգարապատ» ամսաթերթը, մինչև այժմ լույս է տեսել վեց համար, որ ունի հայերեն և անգլերեն բաժիններ: Թերթի պատասխանատու խմբագիրն է Հայկ Մսրլյանը:

Խմբագրությունը նպատակ ունի Լոնդոնի հայ գաղութի կյանքը աշխուժացնել, հիմնել հայկական դպրոց, հայկական մշակութային կենտրոն, կապ հաստատել հայկական այլ գաղութների հայ մամուլի հետ, ինչպես նաև մայր հայրենիքի հետ:

«Զարթոնք», 5 հունվարի

* * *

Լույս է տեսել Հովհաննես Թումանյանի բանաստեղծությունների ժողովածուն «Լոռվա երգիչ» վերնագրով, որ թարգմանել և կազմել է Միշա Գյուտյանը: Ինչպես հայտնում է «Լրաբերը», գրականագետ Դենիս Օզդենը «Մորենիգ Սթար» թերթի 1971 թ. նոյեմբերի 11-ի համարում այդ առթիվ գրել է. «Հայաստանը ունի աշխարհի ամենահին և ամենահարուստ մշակույթներից մեկը և Հովհաննես Թումանյանը, հայոց ազգային բանաստեղծը, որ ծնվել է ավելի քան մեկ հարյուրամյակ առաջ, նրա ամենամեծ անհատներին է»:

«Լրաբեր», 5 փետրվարի

* * *

Ապրիլի 23-ին Լոնդոնի Ս. Սարգիս եկեղեցում տեղի է ունեցել ապրիլյան մեծ եղևոնի նահատակների հիշատակի նվիրված հուշարձանի բացումը:

Հուշարձանն իրենից ներկայացնում է խաչքար (որ Ամենայն հայոց կաթողիկոս Վազգեն Առաջինն է ուղարկել էջմիածնից)՝ հաստատված մարմարյա պատվանդանի վրա:

«Զարթոնք», 5 մայիսի

Ի Տ Ա Լ Ի Ա

Վենետիկի Մխիթարյան տպարանը հրատարակել է Նոր Զուղայեցի տաղարան և մանկավարժ Գևորգ Զոհրաբյանի անտիպ տաղերը, որոնք գաղափար են տալիս Նոր Զուղայի ժողովրդի հոգեկան ապրումների, կենցաղային սովորությունների մասին: Գ. Զոհրաբյանն ապրել է XIX դ. երկրորդ կեսին և XX դ. սկզբին: Նրա

տաղերը մեծ մասամբ կենցաղային ազգագրական բնույթ ունեն:

«Լրաբեր», 4 դեկտեմբերի 1971

* * *

«Զարթոնքի» թղթակիցը հարցազրույց է ունեցել ճարտարապետ Հերման Վահրամյանի հետ, որն աշխատում է Միլանի հայկական ճարտարապետության կենտրոնում: Կենտրոնի գործունեության մասին նա հայտնել է, որ 1962-ից ըսկըսած Միլանի ճարտարապետների խումբը (Արմեն Մանուկյան, Ադրիանո Ալպագո Նովելլո, Հարություն Գազանճյան և Հերման Վահրամյան), որն ունի նաև շատ օտարազգի (իտալացի և գերմանացի) աշխատակիցներ, Միլանի հայ մշակութային միության համագործակցությամբ 1964-ին կազմակերպել է մեծ ցուցահանդես, հրատարակել է «Տուրումենթի տի արչիթեթուրա Արմենա»-ի առաջին հատորը՝ նվիրված Հաղբատի ճարտարապետական կոմպլեքսին: Մինչև այսօր լույս են տեսել ևս երեք հատոր՝ «Խաչքար», «Սանահին» և «Ս. Թադևոսի վանքը»:

Շուտով լույս են տեսնելու «Աղթամար», «Գեղարդ», «Ամբերդ» և այլ հատորները, որ հրատարակության են պատրաստվել ՀՍՍՀ ԳԱ Արվեստի ինստիտուտի համագործակցությամբ: Պատրաստված է «Անի քաղաք» գիրքը (իտալերեն): Ցուցահանդեսը Միլանից բացի ցուցադրվել է Փարիզում, Ճենովայում, Վիեննայում, Բուենոս-Այրեսում, պետք է ցուցադրվի նաև Լիսաբոնում և Տորոնտոյում:

«Զարթոնք», 3 մարտի

Շ Վ Ե Յ Ա Ր Ի Ա

Ժընևից Գառնիկ Տեր-Հակոբյանը հայտնում է, որ Շվեյցարիայում նույնպես գոյություն ունի մի փոքրաթիվ հայ գաղութ: Ժընևում գործող Հայ երիտասարդաց միությունը ապրիլի 30-ին ճոխ հայտագրով երեկո է կազմակերպել, որին ներկա են գտնվել 200 մարդ:

«Հայրենիքի ձայն», 31 մայիսի

Կ Ա Ն Ա Դ Ա

Մոնրեալում լույս տեսնող «ՏՀը ճորճիլն» օրաթերթի 1972 թ. հունվարի 25-ի համարում ասված է, որ Սըր Զորջ Ուիլյամս համալսարանը 1972 թ. հունվարի 14-ին հաստատել է հայագիտական դասընթաց, որը ղեկավարում է դոկտ. Գևորգ Պաղճյանը. դասավանդվելու են հայոց պատմություն, հայկական բարբերի և հայկական հիմնարկների մասին առարկաներ: Դասընթացի նպատակն է ավելի մոտիկից ծանոթացնել հայ ազգային պատմությանը:

«Զարթոնք», 12 փետրվարի

* * *

Մոնրեալի հայ առաքելական եկեղեցին ըսկըսել է հրատարակել «Ինտրաստան» անունով ամսաթերթ: Խնդրում տպագրվում են հատվածներ հայ գրականությունից, ընդարձակ տեղեկություններ ազգային կյանքից և այլն:

«Նոր օր», 3 մարտի

* * *

Մոնրեալի Թեքեյան մշակութային միության կենտրոնում հաճախ կազմակերպվում են հայկական հավաքներ: Փետրվարի 26-ին տեղի է ունեցել Ալլարայրի ճակատամարտի հիշատակին նվիրված տոնակատարություն, որի ժամանակ զեկուցումներ են կարդացվել հայ ազատագրական շարժման մասին: Մարտի 11-ին կազմակերպվել է Սայաթ-Նովային նվիրված երեկո:

«Պայքար», 16 ապրիլի

* * *

Մոնրեալի Սըր Զորջ Ուիլյամս համալսարանի հայագիտական ամբիոնի նախաձեռնությամբ մարտի 14-ին տեղի է ունեցել երեկո՝ նվիրված Պետրոս Դուրյանի մահվան 100-ամյակին, Դուրյանի մասին դասախոսել է հայագիտական ամբիոնի դասախոս պրոֆ. Գևորգ Պաղճյանը, այնուհետև արտասանվել են Դուրյանի բանաստեղծություններից:

«Արարատ», 19 ապրիլի

* * *

Մոնրեալում, անհայտ զինվորի գերեզմանի մոտ, ապրիլի 22-ին մեծ ցույց է կազմակերպվել ի հիշատակ 1915 թ. Եղեռնի զոհերի, որին մասնակցել են մշակութային բոլոր կազմակերպությունները, ինչպես նաև Կանադայի պետական բարձրաստիճան գործիչներ՝ մոտ 2500 մարդ: Եղել են հայերեն, ֆրանսերեն և անգլերեն լեզվով ելույթներ:

«Ջահակիր», 4 մայիսի

Ա Մ Ն

Հարվարդի համալսարանի հնագիտական և ազգագրական թանգարանը անգլերեն լեզվով լույս է ընծայել Բ. Առաքելյանի «Գառնի» աշխատությունը, որը հրապարակված է «Թարգմանություններ ուսերենից» մատենաշարով: Թարգմանության կազմակերպիչն է ամերիկացի նշանավոր հնագետ և մարդաբան Հենրի Ֆիլտը: Գիրքը, որ կրում է «Ներդրումներ հայ հնագիտության մեջ» խորագիրը, հիմնականում ամփոփում է Գառնիի պեղումներին նվիրված ուսումնասիրություններ, 180 նկարներ: Գրքում «Երկիրը և բնակչությունը» վերնագրով մասում համառոտ տեղեկություններ է տրվում Հայաստանի մասին, հողվածներ են զետեղված լճաշենում հայտնաբերված մնացորդների, Արագածում և

Արմաղանում պրոֆ. Ա. Քալանթարի հայտնաբերած ժայռապատկերների մասին և այլն:

«Շարժում», 18 դեկտեմբերի 1971

* * *

Լոս-Անջելոսի համալսարանի հայկական ամբիոնը գնել և Լոս-Անջելոս է տեղափոխել մահացած մի պարսկահայի կողմից ժողովված ձեռագիր մատյանների, պատառիկների, հայերեն և պարսկերեն վավերաթղթերի մեծ հավաքածու: «Ջահակիր», 13 հունվարի

* * *

Լույս է տեսել Տիգրան Պոյաճյանի «Հայաստան՝ մոռացված ցեղասպանության մը դատը» գիրքը անգլերեն, 640 էջով: Գրքում պատմական տվյալներին ղուգընթաց բերված են օտարազգի ականավոր անձանց կողմից թուրքական ցեղասպանության դեմ:

«Ջարթոնք», 18 հունվարի

* * *

Ուոթերթաունի ամերիկյան վարժարաններում արդեն երկրորդ տարին է, որ ուսանողներին դասավանդվում է հայոց լեզու, որպես մեկը՝ ընտրված մի քանի օտար լեզուների հետ միասին: Այս ձեռնարկության պահանջն այժմ ավելի է լրջացել Հարվարդում, Կոլումբիայում, Կալիֆորնիայում և մի շարք այլ համալսարաններում տարվող հայագիտական ուսումնասիրությունների շնորհիվ:

«Նոր օր», 25 փետրվարի

* * *

Նյու-Յորքի քաղաքապետ Ջան Լինտզը փետրվարի 10-ը հայտարարել է Վարդանանց օր Նյու-Յորքում. հանդիսավոր այս արարողությունը մասնակցել են հայ համայնքի ղեկավարներ:

«Ջահակիր», 2 մարտի

* * *

Ամերիկայի հայոց առաջնորդարանը 1971 թ. Կյուլապի Կյուլպենկյան մշակութային կենտրոնում հաստատեց հայկական թանգարան, որտեղ հավաքվեցին հայ գրական, նկարչական, գրչագրական և ձեռարկեստի դասական գործեր: Արդեն ցուցադրվել են 2. Հազարյանի հին գրքերի, գրչագրությունների, ինչպես նաև նկարչական և բրուտադորժական հավաքածուները: Այժմ ցուցադրվում է դոկտ. Պոլ Պըտուկյանի հայկական հին դրամների հավաքածուները:

«Պայքար», 3 մարտի

* * *

Հայագիտական ուսմանց հետազոտությունների ազգային ընկերակցությունը Ուոթերթաուն 19 Հանդես, № 3

նի Հոսմըր դպրոցի դահլիճում կազմակերպել է հայագիտական գրքերի ցուցահանդես, որտեղ ցուցադրվել են օտար լեզուներով հրատարակված ավելի քան հիսուն գրքեր: Ցուցադրված հայագիտական գրքերի թվում հիշատակելի են անգլիացի կովկասագետ և հայագետ Դեմիդ Մարշալ Լենգի վերջերս լույս տեսած «Հայաստանը քաղաքակրթության օրրան», Մարշերի Հովսեփյանի «Իզմիրի աղետը», անվանի բյուզանդագետ Սիրարփի Տեր-Ներսեսյանի «Հայերը», պրոֆ. Ավետիս Սանճյանի «Հայկական ձեռագրերի հիշատակարաններ» և այլ գրքեր: Մեկ շաբաթ տեղի է ունեցել հանդիպումներ Մարշերի Հովսեփյանի, պրոֆ. Դեմիդ Լենգի և մի շարք այլ հեղինակների հետ: Հայաստանի և հայերի մասին պրոֆ. Լենգը ասել է. «Հայաստան այցելողը առաջին հերթին տպավորվում է ժողովրդի կենսունակությամբ, մի բան, որ ուրախացնում է հայ ժողովրդի յուրաքանչյուր բարեկամի»:

Ցուցադրվել է նաև Միքայել Հարությունյանի պատրաստած «Պատմական Հայաստանում» վավերագրական գունավոր կինոնկարը, որը պատմում է հայկական նախկին մշակութային կենտրոնների և ճարտարապետական հուշարձանների ներկա վիճակի մասին: Ֆիլմում նկարահանված են Ադանան, Խարբերդը, Այնթապը, Մշղաշտը, Վանա լիճը, Բիթլիսը, Ախթամարը, Վանը, Կարսը, Անին: Այնուհետև ցուցադրվում է Սովետական Հայաստանը:

Ցուցահանդեսը և հարակից միջոցառումները մեծ հետաքրքրություն են առաջացրել և լայն արձագանք գտել մամուլում:

«Հայրենիքի ձայն», 8 մարտի

* * *

Ջորջթաունի համալսարանը նորից սկսել է հայոց պատմության և հայ մշակույթի դասընթացները: Դասավանդվելու են պատմական Հայաստանի աշխարհագրություն, Ուրարտու, Պատմական Հայաստան, Հայ գրականության տեսություն և այլն:

«Արև», 15 մարտի

* * *

Կլիվլենդի հայ համայնքը ապրիլի 9-ին կատարել է մշակութային կենտրոնի, ինչպես նաև հայկական վարժարանի բացումը հայկական եկեղեցուն կից, որը 8 տարի առաջ կառուցված առաջին հայկական եկեղեցին էր Օհայոյում:

«Ջարթոնք», 18 ապրիլի

* * *

Մի խումբ ամերիկահայ երիտասարդներ, որոնք անցյալ ամառ այցելել են Սովետական Հայաստան, գունավոր ժապավեն են պատրաստ-

տել «Օշականի Ս. Սարգիս եկեղեցու մեջ, հո-
ւիվներու հետ» խորագրով:

Այս նույն խումբը երկու տարի առաջ Հա-
յաստան այցելելուց հետո պատրաստել էր իր
առաջին ժապավենը, կոչելով այն «Մենք Հա-
յաստան այցելեցինք», որը ցուցադրվել էր 30-ից
ավելի հայաշատ քաղաքներում:

«Պայքար», 26 ապրիլի

Մ Ա Ր Ո Կ Կ Ո

Կասարլանկայի բնակիչ Գ. Հարությունյանը
քաղաքապետարանին նվիրել է 1,5 միլիոն ֆրան-
կի արժողութուն ներկայացնող հողամաս, որի
փոխարեն մի փողոց անվանվել է «Հայաստանի
փողոց» («Ռյու դ'Արմենի»):

«Լրարեր», 29 փետրվարի
Ն. ՎԱՐԴԱՆՅԱՆ